

Aulapkaijini Naittuq Naunaijaruti

Malikhugu una Nakataa 12 uvani Nunavut Angirutaani, ukuat Nunavutim Qanurilivallianikkut Ilittuqhajjiuplutik Katimajiit, (NIRB) munaridjutiaqtun naunaijaqlugu amirilugulu, uvani inimi-naunaiqhimajumik avikturhimanirnilu tunnganiani, ukuninnga nunainnik inungnullu-piangaijautainnun hulaqutaunnun ukunani havaktakhani tukhirutini Nunavunmi.

Nunavut Kavamanga (GN) huliraanginnaqtuq Ilauplunilu uvani NIRB ihivriuqhinikut havagutainni. Taimaa kavamatuqait tadjatanniqtuidjutit munaridjutainni ujaraujani piqutini Nunavunmi, GNkut angijunik nunagijami munaridjutinik laisikhakkullu atanniqtuidjutinik taapkunani hunani imaatun hanaqidjutinik hulaqidjutainni uumajuni uumajunilu nunagivaktainni, Kamisinaup nunainni, haamlatkunni, ilihautinun, inuliqijinun, inungnun qajangnaidjutainnun, pitquhinun, nunallaani pivlialiuurnirni, piqutinun pilaarutainnun, aulapkaidjutainnullu maligani Nunavunmi.

GNkut ihivriuqhimajaa una Kingulliqaq Avatikkut Hulaqutikkut Uqauti Ilaliutihimajuq (FEIS Addendum) uumunga Back River Havaakhani Auladjutinun Havagvingmi tuniplunilu uqautinik pitquidjutiniklu tunnganiqaqtun hapkunani ihumagijauulluqtaujuni:

- Pitqujaujuni uppirijaujunilu (ilaujullu uppiridjutit tammaqtaininirnun) malikhugu pidjutaani pijumanianilu uvani Nunavut Angirutaani;
- Pitquidjutainni maligainni maliktakhanilu Nunavunmi;
- Hivulliutiumajainnilu Nunavut Kavamatkunni Nunavunmiunnilu; ukunanilu
- NIRBmi hivulliurutainni uppiridjutainni uvanilu Qajaginikkut Uppiridjutilluamilu.

Hapkuat uqautit pitquidjutillu piliuqhimajait GNkut Avatikkut Naunaijarutimi Ihivriuqhinirmi Havaktiinni (EART) taapkuat havaat havaktaujuun ukunanga malruungnik ilikkuuqtunik katimajiinnin, uumannga Avatikkut Inungnilu Aanniaqtailinirnun Naunaijarutimi Ihivriuqhinirmi Katimajiinin (EHHAC) uumanngalu Inungni-Piangaijarnirnun Naunaijarutimi Katimajiinnin (SEAC). Taimaatulli, GNkut uqautait naunaijaqtautaaqtun ukunanga malruungnun angijuni qanurittunun: uumajuni-timini hulaqutait ukuallu inungni-piangaijarnirni hulaqutait.

Una Uumajuni-timini Avatiit

Ihumaalutaujuq aktuqtauttarutait ukunani tuktuni uvanilu tukhiqtauhimajumi anurikkut pauwaliurutiit tamaatigun ihivriuqtaungittuq. Ihivriurutit ukunanga tuktunun akturutait anurikkut pauwaliurutiinni pihimangittuq uvani taimaatun ihumaginginnami aktuqtauttarutait tuktuni upagutainnun anurikkut pauwaliurutinun.

Tukhiqtauhimajuq anurikkut-pauwaliurutiit hunaujuq nunami tuktuut Nunavunmi tautungaqhimaait. Piqanginniit ilitturidjutinik ihivriurutiniklu nunami tuktuinni pilaqhuutait anurikkut-pauwaliurutiinnun pidjutijuq nalukharnarnirnun ihivriuqtaunirnun hulaqutinun. GNkut uppiriqpiaringitaa una FEIS Ilaliutihimajumi ihumaliurutaani piqalimaittumiguuq tuktuni uparutainnun uumunga tukhiqtauhimajumi anurikkut-pauwaliutinun. Havaktakhap tadjat

Uumajuliqinikkut Ingattaqtailinirnun Munarinirnullu Hivunikhaq (WMMP)
pimmarighaqtauttaaqtuq naunaijarlugillu pijaaqtun hulaqutit uumannga anurikkut
pauwaliurutimin tuktunun auladjutainnun humiidjutainnullu ihuatqijaujumik.

Taimaalu, hapkuat ihumaaluutit ukunani naliinni ihivriughinikkut tukhiqtauhimajunilu
munarinikkut hivunikhat pidjutilgit utiujuktuni qupanuani, qupanuani tuqudjutainni, ivajunilu
qupanuani. Naunaitkutait ukunani tukhiqtauhimajumik munarinikkut qanuriliurutikhat uvani
hiqinirmin pauwaliurutait piqangittuq, ukuallu malikhautiutikkut munarinikkut kiklikliit
qanuriliurutillu. Kingulliqaakkut, piqanginniit ukunani unniudjutikkut munarinikkullu qupanuani
unguurutit, ungummidjutit, ungahiktilaarutikhat, ukuallu hapukuutikhat ilitturijaujun.

Tamainni, EHHAC akhuuqhaqtajuq takuquplugin Akhuuqhaijup havagutat mikhilaaqtirnikkut
aturutainnik uqhuqujani atuliqlunilu aularaanginnaqtunik auladjutikhanik piliurutinik
ujarakhiuvingmi niriuktuqlu ilauraanginnaqluni uumani anginiqaqtumi ihivriughirnirmi pijaami
pipkainikkut hulaqutit avatimun mikhilaaqtitaujun piqpiarutaanun ihuaqtullu ingattaqtailiniit
uumajunun atuqtitauliqtun.

Una Inungnun-Piangaijautainni Qanurinnia

Nunavut Kavamanga (GN) ihivriughimajaa Kingulliqpaaq Avatikkut Hulaqutikkut Uqauti
Ilaliutihimajuq uvunga Back Rivermi Havaakhami Auladjutinun Havagvingmi ilihimajaalu
Akhuuqhaijup aularaanginnaqtun havagutait nunallaani ilaupkaidjutinik ikajurutinikkul
havaktukhanik, ajuiqharutikhanun, nanminikkullu havagvighanun pivallianirnun Kitikmeoni.
Ukunani ilaliutihimajuni ilaujunik aallani auladjutikhanik pidjutinik, una Back Rivermi Havaakhaq
tunijuq uuktuqvikhanik nunallaani nanminirijaujuni havagviinnun ajuiqharnikkut pinahuarutinik
tunijaaqtun amigaiquummiqtunik piangaijautikhanik aallatkiingnik aviktuqhimanirmi. GNkut
niriuktun aularaanginnaqtunik inungnun-piangaijautikhanik munaridjutinik naunaijariami
nakuujunik taimaittuni uuktuqvikhanik Nunavunmiunnun.

